

անտի , և թէ՛ չէ օրէն սեփհականեւ զայն Լատինաց . դա-
դարեցաւ շինութիւնն , և յետ առուրց եկն հրաման՝ եւ
եղեւ քննութիւն օրինօք Շէրիի , եւ ըստ հրամանի մեծի
Յպարքոսին բնկերութեամբ շինեցաւ՝ ըստ առաջին դրից
ոչ աւելի և ոչ նուազ , դնելով մէն մի վերակացու յերից
վանաց , և զծախս շինութեան հաւասար բաժանեցաւ , և
յետ այնր պատուէր եղեւ 'ի Դատաւորէն մնալ Այրին 'ի
վիճակն առաջին . չլինել ումեք սեփհական , այլ բնկերու-
թեամբ երից ազգաց , եւ դուռ նորին մնալ բաց առանց
փականաց . 1760 (1849) : Բայց յանցանեւ ժամանակի եւ
տարւոյ Լատինք տիրեցին բովանդակ Այրին շինութեամբ
եւ նորոգութեամբ , ամրացուցին դրամք և բանալեօք ,
և զարդարեցին եկեղեցական սպասուք :

Կիրակոս Պատրիարք՝ այր մեծահանճար , յառաւհեղ,
պատկառելի և համեղ 'ի բանս և 'ի գրիչս , որոյ հանճարն
փայլի 'ի բովանդակ նամականիս և յայլ գրուածս նորին .
թէպէտ և հասեալ 'ի բարւոք ծերութիւն , այլ ոչ այնչափ
յաղթահարեալ յալեւոյթ հասակէն , որքան բնաւորեալ
'ի նմա չարատանջ յախտէ , զոր կրէր 'ի ստամոքսի իւրում ,
կարծեցեալ աստ թանջից , որ բազմիցս նեղէր և տագնա-
պէր զնա , եւ 'ի վերջին նուազի առաւել բնկճեալ նուա-
ճեցաւ 'ի բռնութենէ նորին և աւանդեաց յանկարծ գէո-
գին իւր առ Աստուած , ('ի 23 Մայիսի . 1850) 'ի հասակի
68 ամաց , վարեալ զիշխանութիւն Պատրիարքութեան
ամս 3 և ամիսս իրր 4 . և միտրանութիւնն չքեղութեամբ
կատարեալ զտխուր հանդէս յուղարկաւորութեան , ամիո-
փեցին զմարմին նորա 'ի գաւիթ եկեղեցւոյն Ս . Փրկչի 'ի
կարգս Պատրիարքաց , յորոյ վերայ կանգնեցաւ յետոյ
շերիմ փառաւոր :

Սա յետ ժամանելոյ 'ի Ս . Աթոռն յառուս թէոդորոս
Պատրիարքի , վաստակաւոր եղեւ արիութեամբ եւ խոհե-
մութեամբ 'ի զանազան պաշտօնս յօգուտ ազգին , որպէս
յիշեցաք 'ի տեղիս տեղիս 'ի կարգի պատմութեանս , և 'ի
վերջոյ վարեաց զՏեսչութիւն Ճեմարանին Իսակիւտարու :
և անտի եկեալ յերուսաղէմ զպաշտօն Փոխանորդութեան
Զաքարիա Պատրիարքի , որ և եկաց յաջորդ նորին , և 'ի
կենդանութեան իւրում ետ նորոգել զվանս Ս . Փրկչի՝